

自歸於僧，當願眾生，  
zì guī yú sēng dāng yuàn zhòng shēng

統理大眾，一切無礙。  
tǒng lǐ dà zhòng yí qiè wú ài

受學戒時，當願眾生，  
shòu xué jiè shí dāng yuàn zhòng shēng

善學於戒，不作眾惡。  
shàn xué yú jiè bú zuò zhòng è

受闍梨教，當願眾生，  
shòu shé lí jiào dāng yuàn zhòng shēng

具足威儀，所行真實。  
jù zú wēi yí suǒ xíng zhēn shí

受和尚教，當願眾生，  
shòu hé shàng jiào dāng yuàn zhòng shēng

入無生智，到無依處。  
rù wú shēng zhì dào wú yī chù

受具足戒，當願眾生，  
shòu jù zú jiè dāng yuàn zhòng shēng

具諸方便，得最勝法。  
jù zhū fāng biàn dé zuì shèng fǎ

若入堂宇，當願眾生，  
ruò rù táng yǔ dāng yuàn zhòng shēng

昇無上堂，安住不動。  
shēng wú shàng táng ān zhù bú dòng